



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

Broj: 01-GV-02-1089/22
Datum, 29.06.2022. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na 17. sjednici održanoj dana 29.06.2022. godine, primilo je k znanju

Informaciju o tekućem održavanju spomenika Vječna vatra za 2022. godinu.

PREDSJEDAVAJUĆI GRADSKOG VIJEĆA

Jasmin Ademović, s.r.

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

INFORMACIJA
O TEKUĆEM ODRŽAVANJU SPOMENIKA VJEČNA VATRA

Sarajevo, juni 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



UVOD

Spomenik Vječna vatra podignut je u čast osloboditeljima grada 1945. godine. Javnosti je predstavljen povodom prve godišnjice oslobođenja Sarajeva 06. aprila 1946. godine. Predstavlja kolektivno sjećanje na završetak rata. Svojom mikrolokacijom u centru grada na križanju ulica Mula Mustafe Bašeskije i Maršala Tita i Ferhadije, ovaj spomenik je vremenom postao gradski reper i mjesto okupljanja.

Autor spomenika je poznati arhitekata, prof. Juraj Najthart. Spomenik čini ploča postavljena nakon zatvaranja frontalnog ulaza u zgradu nekadašnjeg hotela Grand, a ispred ploče je postavljena Vječna vatra. Na ploči je tekst ispisan u bojama zastave bivše Jugoslavije, ispred koje se nalazi bakarno ognjište u obliku lovorovog vijenca sa stalno upaljenim plamenom, što simbolizira živo sjećanje na oslobodioce Sarajeva, ali i grb bivše Jugoslavije. Na predmetno dobro primjenjuju se mjere zaštite, obzirom da se nalazi u zaštićenom području.

I. PLANIRANE AKTIVNOSTI

S ciljem očuvanja i zaštite spomenika u 2022. godini planirano je tekuće održavanje koje bi podrazumijevalo:

- sanaciju spomeničke ploče,
- zamjenu oštećenih podnih kamenih ploča,
- sanaciju vijenca,
- te postavljanje video nadzora.

Budući da se određeni vremenski period težilo za ograđivanjem spomeničkog prostora postavljanjem žardinjera, ovog puta se predlaže postavljanje adekvatne mobilne metalne ograde koja vizuelno neće umanjiti spomeničku vrijednost, a o čemu će konačan stav dati Komisija za zaštitu nacionalnih spomenika BiH putem Federalnog ministarstva prostornog uređenja.

Nakon što se pribave potrebne saglasnosti nadležnih institucija, Grad Sarajevo će pokrenuti potrebnu proceduru Javne nabavke za odabir izvođača radova s ciljem izvođenja radova tekućeg održavanja ovog spomenika.